



馮川徐子曉牕幼善文人皆艷稱予慕之甚已而
成進士煒煒然鳴南北人益豔之予固以為曉牕
名人也其弟目耕舊秋攜詩文謁予氣甚邁與之
語直欲追古人若不可以終日者比予鐸龍津曉
牕寓以詩屬予序予方病無以應而目耕復過署
留風雨數日相與談論家居文章之樂徃復予奪
窮日夜予然後知曉牕兄弟力振於古不以名相
累而人之豔之者皆其所不欲居而外之也嗟夫



天下人才匪難于產而難于盡其才蓋有出人之
質自童時為名所據一聰明蓄精力攘袂以進而
攫而有之既有矣益思張而廣之其於人心風俗
農戎祭燕不以屬意而所涉風雅如僑寄然且以
市其名雖授之以政能達乎曉牕以年少得第不
屑屑于外所為詩多得於游歷之餘徃徃徘徊風
土感寓深切而又與目耕漱滌六溪浸淫古人之
味務盡所與而不已其所至固無以窮之出而見

用將必有非人所能知者豈徒吟咏云哉予於曉
牕為隣壤聞其才慕之十餘年又慮其或未之盡
而乃慰於今日也於其詩序以歸之庚辰春分夜
字雲盛謨序

曉窗詩鈔卷一

登嘯溪樓

奉新徐曰明東啟



空山亦有樓處幽不見遠攬勝百年情茲焉得遊
踐飛甍壓井閭村煙猶可辨廣陌接遙青雲開見
絕巘林水相蔽虧意與清溪轉古道時有人幽禽
飛不盡書聲度墻來泠然送餘善境豁神亦清頗
足供息偃安得素心人旦暮相徃返

初冬帥浣花齋中夜集

暝靄滿山城幽尋愜素契浣花有草堂
脩然見高寄落葉響空堦籬菊延秋意
坐看明月上不覺清風會小樓轉幽曠
野色迷遠睇雙橋卧若虹一水澄如渭
俯聽辨人聲蓬船宿簷際誰知烟市中
深得林泉致夜闌興已酣新霜沾我袂
為歡能幾時一別動經歲清言以忘疲
得酒聊取醉年光不待人及此鬢華未

烏夜啼

閒門靜閉人語稀有烏宿我庭樹啼惡
聲寥戾聽不得坐令掩卷長太息星月當
牕澹無塵對此可以清心神烏啼于人復
何與一曲高歌消百慮

獨歸

為懷靜者趣獨步夕陽歸十里松濤湧
千林鳥語稀青雲隨我返白鷺背人飛
已覺流光駛空齋欲掩扉

秋曉同帥八寧仲登獅山

半窗初日上簾鉤北郭晴山翠欲流興到直須摩
絕頂風高偏覺激新愁一聲清磬千家曉數點寒
鴉萬壑秋細坐論文長不厭馮川淼淼泛虛舟

虎溪懷古

修靜崇老氏惠遠繼禪宗儒者陶彭澤氣味誰能
同東林秀雲木隔橋聞午鐘當時一迥然千載懷
遺風乃知至人理冥合意難窮蓮社不復開寂寂

虎溪空

過桃花嶺

古樹環山曲崎嶇石磴長天低雲易接地險虎為
鄉孤店空人語荒煙老佛堂桃源如不遠隔水問
漁郎

舟次感懷和彭晉生同年韻

客裏同為罷耗人秋風不動石鯨鱗霜威滿地欺
黃葉月色橫江冷綠蘋一戰那堪雲路遠十年空

自草堂貧相看莫漫多惆悵名宦關頭學問津

籠鶯嘆

性本依林壑胡為入樊籠不貪愛者餌長恨羅者
工靄靄夏木陰遙村交遠風側見羣鳥翔啾啁各
西東喉舌吾自愛知音渺難逢日夕軒窓裏為君
盪心胸

謁嚴子陵先生祠次吳明府韻

釣臺遙在最高峯祠宇微茫山翠中草徑齊雲通

去鳥烟江帶雨失征蓬荒碑有字留東漢古樹無
情撼北風老子羊裘今不見隔船我欲問漁翁

次高郵州

湖光迷遠岸堤勢擁孤城門向波中立人從屋上
行誅茅憐比戶挾策厭江程獨倚危檣望風煙萬
里情

山東道中大風時與蕙晦叔同車因呈此作
面面塵砂起風聲聒耳根昏黃連日夕浩蕩擁乾

坤寒意天將雪征衣曉不溫相看多旅思疲馬滯
荒邨

晚過鄒縣

荒途縹緲日西傾策馬沙頭急晚程一帶紅墻圍
孟廟數枝老樹出鄒城野煙漸逐行人暗邨月偏
臨澗水明風雪殘年正漂泊淒淒客路四愁生

哭甘理齋師

雨靈靈兮黯素車風蕭蕭兮愁丹旄靈之返兮馮

水濱靈之來兮贛江道白雲蒼狗事茫然薤露聲
中摧懷抱當時郭北擁臯比滿堂發篋相傾倒一
看少壯皆童蒙舌腐脣焦意未了衆禽養翮各翻
飛卒痛坐使朱顏老十年遊宦不為家生事艱難
又集蓼德高一世受竒窮身後空名何足寶嗚呼
大雅竟飄零夢夢誰能問蒼昊

酬王某見贈

兩度燕京空汗漫新秋客路晚涼生舟隨洛下如

張翰賦賣長門愧馬卿
蓼渡迷烟人去住楊林染
露鳥縱橫倚檣悵望斜
曛後共在中央水一泓

遣悶

露冷踈林蕙草摧飄蓬
秋去復秋回如何風雨
經年別博得明通兩字
來

甲戌取
中明通

雙眼烟花成幻夢

片時心事著寒灰那堪
南望鄉關遠寂寞蓬牕
擲酒杯

呈外兄趙牧亭

一從風雨元都後

丙寅同學
七靖元宮

寂歷扁舟計日羸舊

業商量還作客新詩品
第定為兄藜牀並卧憐
鄉

夢野蕨同甘見旅情莫
恨萍蓬稽直北家林翻
使

別愁生

次臨清

雙帆影落暮林低羈客
天涯獨拄頤千里到來
清水處一秋看著好山
時關雲幾度愁征鴈野
館空懷對客棋枯坐蓬
牕君莫笑霏微煙雨欲
何之

江南曹某持畫索題書以贈之
寒梅新向隔林探鶴氅倏然雪滿驂春色一枝如
可寄情多轉欲贈江南

久客安慶有感

風雨滿關河遊子羈異國幽栖若楚纍有懷空脉
脉散步出長衢羞為人所識相識日已多對之成
孤特張目閱人情波瀾寧可測望遠復思鄉日暮
起寒色欲知別恨深視此皖江側

憶家二首

浮客渺天涯顧影心惻惻去秋別故園我行亦已
亟返棹歲月更逆旅無顏色孤雲宿前山暮鳥亦
知息腸斷皖江濱欲歸歸未得

籬菊半已萎白雲自來往前期不可愆家人勞夢
想竦踵正此時日暮斷音響坐來客袂寒暗風吹
五兩

買舟吳城中道陸歸有作

扁舟飄泊長為客此日籃輿信是歸澗水冷隨紅葉去午天晴拂白雲飛門閭多慰高堂望水陸猶憐舊侶連底事含愁看旅雁故園風景正依稀

次韵酬羅效仁見寄

世外風流士溪間水竹居名因重剛顯身是百憂餘阮籍惟澆酒虞卿欲著書知君能作達易地愧難如

落魄歸來晚荒園正索居雲龍三載恨風雪一年

餘水遠懷移棹山深獨擁書長門終買賦寄語蜀相如

悼亡詩

孤鴻落寒汀悲鳴不遑息念彼失故儔感我心惻惻之子辭人寰芳徽盡潛匿鴛枕封微塵鳳釵委藜棘音容已隔世餘致存幽閒几席仍虛位鬢髮可追攀驚惶久兀坐默然憶爾顏爾顏不成憶暮雲空往還庶幾入我夢解我心憂煩

粧臺掩明鏡，倏忽生埃塵。拂拭照爾容，千載永沉淪。幽閨靜且涼，悲風吹我身。徙倚憐寂寞，私懷竟誰伸。側目盼空床，揮淚開餘線。百物紛具存，伊人獨不見。不見何窮期，感物心增悲。梅花應節吐，蘭葉待春滋。嗟我懷長恨，憔悴成情癡。情癡非善道，此身良足寶。從今戒悲傷，悲傷使人老。

春日偕同人登慧力寺高青亭兼贈悅堂上人

無限登臨意，高青最上頭。春濃天地色，江湧古今愁。煮茗雲心定，揮絃鳥語幽。時聽悅堂鼓琴遠公偏愛客

笑作虎溪遊

酬余蘇軒石溪見寄

終古多離恨，滄桑日已遷。伊人我之懷，乃在梅峰石溪山名巔。山深瘴癘重，鳥道愁攀援。尋訪勿復道，音問時亦艱。感君長相憶，遺我碧玉箋。松風發其情，餘音入夜絃。結交復何憾，寂寞空自憐。

再答一首

寰海杳無際竒懷日往還
睠茲百里道收之咫尺
間人生不百年那得一日閒
此身為傳舍靜者誰
閉關別離固其分會聚古所艱
不有雙鯉魚何以
解我顏梅峰不可望溪水空潺潺

偕同人登安瀾寺

扁舟興不盡山寺出雲霞
行到上方處人隨石徑
斜牕中橫一水林際隱千家
莫漫愁風雨憑闌起

暮笳

寄潛君貽

十年積恨踈杯酒一日重歡醉
客筵人事天涯無
定在春風閣底共流連
道經山寺寒雲外時君貽授徒寶
寺詩憶城樓夜月邊
款段歸來欲相訪
停鞭惆悵

夕陽前

杪秋丹桂重開次韻四首錄一

秋深又傍菊藂開
小苑寒香拂檻來
人事莫令花

笑殺風光如此一銜盃

暑中遣興二首
錄一

溪邊雲水好疲馬厭西東世路誰知己山邨自古
風百年供岸憤萬事寄詩筒日暮墻陰坐書聲幾
處通

吊陳殷文

陳君殷文余頗識之喜功名侘傺不得意
慨然有從戎之志未幾聞以墜馬死余友
禹拜與陳文甚深來索余挽詩余固知禹
拜不妄交而尤悲陳君之遇也為作此

陳君好文還喜武酒酣拔劍軒然舞盪胸雲鳥日
縱橫鵬鷲乘秋振毛羽一朝飛鞚走龍媒天陰鬼
哭起黃埃崩如山岳轟如雷遂令知己長啣哀噫
吁噉人生奄忽隨颺塵昨日朱顏今白冢壽夭誰
復計彭殤千秋萬歲同坵壟古人壯烈身莫贖今
人靈魄還相續丈夫投筆從戎軒先拚一死自荼
毒但看平原古戰場惟有青燐蔓草綠

任城長至後二日蔣清容寓齋小集

天末同為客，羈栖飽雪霜。江山皆寂寞，賓主自家鄉。
意與流雲遠，愁隨此日長。登樓問李白，詩酒一生狂。

德州道中有感

仙源何處問迷津，積抱支離笑此身。萬頃平蕪開北地，五更殘月照南人。春風試馬懸心事，夜雨挑燈動鬼神。三度長安成過眼，流光送盡是黃塵。
自濟寧遇文學吳煥斗偕入京詩以贈之

羈愁同不盡，萬里入幽燕。道路成知己，文章老少年。
一杯寒夜月，連騎曉風天。異日應相憶，殷勤旅雁前。

春草碧色

木德陽和動歲蕤，百草春東風吹已綠。南陌望中新河，畔輕臨水窓前，靜照人映桃和露濕。依柳拂烟，勻書帶光輝。遍香奩點綴，均踏青迷野徑。移坐藉芳茵，湘浦含情遠。池塘入夢頻，長安多瑞色。遊

賞及佳辰

賦得動復歸有靜

得為字五言八韻
朝考 欽取

萬象從虛始循環理可推陽生陰自伏動極靜相
隨今古微茫處乾坤闐寂時雲歸幽嶂石鳥宿上
林枝琴罷薰風定舟停遠浪遲還邨知市散入室
驗年移輪轉初無滯根蟠亦互為 宸衷操化理

端拱向瑤墀

都城襍咏次帥葯房師韻

六首
錄二

流品懷高潔寒蟬不世情綏垂沾露重翼薄受風
輕孤寄人誰愛繁吟意自平一枝秋色裏知爾淡

經營蟬

海燕高棲處巢成意特深晚風吹弱羽秋氣動歸
心語歇空梁靜泥殘古巷陰年來復年去世事幾
浮沉燕

五日陪外舅吳怡亭遊西河

太湖有河曰馬路故遠城西明季東決百
數十年未有復之者余外舅怡亭以高安

名孝廉出宰斯邑政成事理遂復西河從
遊之餘喜而賦此

太湖以湖名五湖皆襟帶司空鬱岩堯龍湫躍靈
怪城邊馬路河故道已通濟我翁心獨勞功成在
天地撫琴發清興公餘攜我遊出郭眄層嶂長隄
何悠悠危亭俯碧湍蒼茫烟水幽夾道楊柳深巾
烏為遲留望中拍遙岼結構圖書府高閣一登臨
湖山都入手叶龍舟渡口喧是日正端午歌唱襍
管絃逍遙窮極浦移棹憩樹陰願言近父母叶娛

悅視聽繁遊人列如堵至樂民與同而我亦鼓舞
微雨從東來坐覺消薄暑百年良獨難人事成今
古嘯傲滄瀛時乃在西河滸

酬寧仲遇訪六溪見贈

西風吹遠道有客信吟鞭便作高軒過相期十載
前秋聲來古樹暮色入寒烟迢遞蕉窗夜傳盃酒
似泉

牕中列遠岫

曉園詩錄 卷一 十四
秀色點牕櫳羣山杳渺中不遮千里樹偏送一樓
風疊嶂排寥廓層巔插顛穹捲簾青靄入開戶白
雲空望去歸鴉盡啣來夕照紅郡齋圖畫裏吟賞
趣何窮

反舌無聲

物候飈輪轉空傳鳥語更三春夸百舌一日廢千
聲林密風偏靜窗閒夢不驚飄零深谷暗寂寞午
天晴苑外蟬都噪村中鷓自鳴陽時知有待發響

最幽清

六溪暴雨後聽水聲

朝來怪底雷風歇洪濤奔瀉爭喧聒千聲萬聲并
一聲滄溟倒捲銀河潑溪上勞勞長短亭前灘袞
袞流不平年光送盡今復古但掩重門君莫聽

栳石惠蘭花索詩走筆奉酬

三首
錄二

花光滿檻照芳春謝傅庭前韻事新不似江南梅
易折也應分與隴頭人

懷人氣誼與雲停點綴荒齋眼更青靜坐吟香書

繭紙分明老樹一蘭亭

老樹帥
氏軒名

再酬古體一首

愛蘭可廢花千百六溪居士輞川客今年陽九厄
春園忍使庭堦坐愁寂風蝶翻翻何處香出門洗
眼携滿筐清泉玉瓶爭獻伎遂令几硯生輝光屋
梁月色盪心胸美人芳草為雲龍明珠百斛何足
報祇願此花經秋冬此花豈必經秋冬與君臭味

無時終

奉送麟士牀之官甘肅

龍媒掣電翻駿足鷲鳥摩霄縱竒翰往在燕京更
歲月我求一第牀求官平生失得何足計有叔如
此心亦歡炎風六月荷蕖老萬里征塵見秋草男
兒墮地弧矢懸四方上下隨風烟星軺奉使適絕
國何況車書一統甘涼邊客行欲爭日月先我欲
從之心茫然此別誰能知歲年

酬帥松田

執筆愁居羲獻後題詩要取柳韋兼閒來天與真
名士壯歲人稱老孝廉一夜清談風滿座百年離
恨月當檐城南雅集吾猶憶寂寞荒溪酒獨拈

晚步池上

室小一池彎池邊獨往還鴨歸秋草路牛下夕陽
山物序浮雲變吾生盡日間猶憐舊風景癡坐閉
柴關

寄懷潘雪青羅效仁

好鳥弄青春候虫吟素秋時節亦已邁不為聽者
留荒溪深且僻追懽懷舊遊一雨夜窗寒兀坐如
羈囚悄然思古人白骨成山邱盛年不為樂旦暮
霜滿頭人生重意氣千里慕朋儔相隔馮川水邈
若天河流

由安慶上太湖舟為暴漲所阻有感而作

熙水奔皖江砰訇駛如馬空際隱來舟飄然平地

墮我若乘枯查上薄天河遊天河亦可上川路良
阻脩更有山峽危波石互騰沸覆舟紛眼前使我
心魂悸人生役世途十常八九累習靜境無礙喜
動物多忌安得遯深谷樵牧唯所寄

題錢穆堂寫照

盤石蔭孤松山空罕人迹蕭然此深坐一身為主
客江湖徧天地風波無時無挂席行千里咫尺成
危途造物亦勞人達者得其靜臨風寄遠懷時復

發高詠

曉窗詩鈔卷二

奉新徐曰明東啟

秋晚偕劉湘晚袁雅堂二同年登青雲樓

沙路帶橋橫寒流泯泯清樹將秋色遠人與夕陽
平雲物留何日登臨負此生山城同一眺又是別
離情

賦得霜葉紅于二月花

東風庭院羣芳盡又是清秋感物華鴻雁一聲霜

在葉荒邨十里樹皆花天開綺繡教春住日傍珊
瑚向晚賒金谷從來車馬盛誰能醉倒野人家
題丁且耘小照
草屋數椽修篁千箇風自南來空山獨坐既耕亦
種還讀我書柴桑有人卓哉遂初

次韵答三弟居中與袁雅堂夜話見懷

乾坤為大幕吾身亦奚之清溪足烟水半為世塵
驅把酒對寒檠夜靜風入帷忽聞離雁聲當及早

春歸

栖碧寺同盛字雲先生暨諸同人作

寺門深竹徑積靄此重重地迴村烟盡天低嶺翠
濃禪心澄碧澗客夢冷踈鐘見說蕭垓近同登第
一峰

香城寺

半嶺雲深路欲平化城縹緲古香清貪看滿壁滄
洲趣風雨瀟瀟襍竹聲

山行

我有尋山約，招攜得數子。
披荆取道曲，時接樵人
趾。策杖躡高巖，天路爭尺
咫。衆壑一何深，蔓草相
終始。窳歷回千盤，泉聲不
離耳。彌望罕人烟，幽寺
隱林裏。踈雨洒客襟，小憩
唯所指。多謝老僧閒，白
雲無時已。

山行暮還栖碧

到眼烟霞野興橫，午天流影半陰晴。
寺當踈竹靜

中見人向亂山高處行，遠燒荒坵生暮感。
幽泉怪石作寒聲，歸來栖碧鐘初罷。
一榻閒雲旅夢清。

蕭峯行

厭原峭壁森千萬，蕭峯俯視皆兒孫。
鳥道盤盤逼天闕，縹緲不與塵界渾。
我來絕頂探神異，放眼直欲窮中原。
是時天陰起薄霧，恍惚猶見長江奔鳳
臺。人去已千載，危堦元奧穿洞門。
古木疑有山靈護，猙獰盡作老猿蹲。
漫山亂石具奇相，縱橫百堵

如城垣躄躄幽磴天欲暮叫嘯頗復傾詞源仙風
拂拂醒塵夢空中身與白雲屯人生好遊不到此
名山踏遍猶籠樊

留別德本雲山二上人

禪榻聽殘五夜鐘高僧送我入雲峰崎嶇路半一
回首落日前山烟自濃

宿雲峯寺贈三乘上人

我從栖碧來遙望一峯暮竹石鬱山門老僧愜清

悟心知寺已到雲深渺何處香閣接諸天鐘聲出
古樹老僧為我言結茆五龍駐數傳多高禪芳草
傷末路崎嶇歲月深未敢委時數我時發浩嘆擁
爐對茶具空山霜已寒物序有新故坐中願僧雛
莫忘老僧語

雲峰寺即事

雲中來野鶴又得一枝安風竹當牕亂霜鐘滿院
寒故人裘可敝時大寒字雲深夜酒如瀾誰憶家

山遠林泉興未殘

龍津學署雪夜同字雲暨其二子琴瑟賦

掩門成密坐顛倒此良夕深言入苦懷惆悵在今
昔啜茗相慰勞誰復為主客夜闌襟袖寒瓦溝亦
已白

次三弟居中韻酬楊文雪見寄

天空海鶴翔時向孤林下撫琴送將歸含情不可
寫瓦缶已亂鳴塵沙淹玉笋田薄萬古心殘釭此

獨坐

山水有清音

人幽山水遠相賞在清音風入雲岩響泉流石澗
吟榜聲來古渡樵唱出空林谷鳥啼花緩潭魚鼓
浪深登臨俱悅耳邱壑故關心倘遇鍾期願歡言
弄素琴

夏日法華寺即景

香閣倚層阿輕舟向午過林風亭不暑山雨地皆

波花落楸枰靜泉新茗椀多塵中勞客夢心賞此
烟蘿

法華寺小集次椒石韻

關心寺閣橫書史

時修太湖志于此

極目湖天散物華異

客逢人能對酒空山無地不宜花東西檻逐雲關
轉上下亭迷竹徑斜怪道平沙莽新漲曉堂風雨
起龍蛇

龍山

坐愛名山好層雲盪我胸孤城圍兩水遠道入千
峯石隙晴嵐合亭餘碧蘚封靈湫才咫尺噓氣欲
成龍

龍山次韻

千巖回薄何嶢峣亭踞山頭寺半腰晴色暮橫漢
陽樹濤聲曉散淞江潮林端石大雲峯老潭底龍
眠雨勢驕移棹釣臺獨懷古秋風吹盡客愁消

壽盛字雲先生

大雅久淪謝斯文無典型志士懷千載淫蛙未忍
聽劍谷盛夫子閉戶老窮經名山懸一脉振臂為
楮撐鴻鵠喜羣翔驂騶羞獨鳴開巢雲氣集翼之
以有成嗟我晚見面几杖分餘清道尊有玉律誼
固如金城六十何足壽悠悠萬古名

登四面山寺

山色四圍合孤峯削不成雲端香塔影樹杪梵鐘
聲古洞無人問禪堂與客清大中碑已沒空外暮

烟橫

曹能始西峰字說載太湖四面山大中碑唐宣宗微時隱此後即位為大中帝

太湖志成呈外舅怡亭先生兼柬諸子

風雨閉清窓一編陳席左策蹇路嶮崎下澤成埒
軻三長古所難誰復擅班馬持此徑寸靈鑽研窮
上下主者唱高言羣響如珠瀉相摩意已深徃復
無冬夏落落懷千秋蒼茫難獨寫前當謝古人後
當告來者

太湖朋玉雙孝廉張樹堂王東木二秀才餞

余于城西詩以酬之

揮手出青城懷人亦已遠三益在路隅遙睇時猶
眩雪屋交流漸泥深人跡斷我自促歸程君來意
何懇一載罄新懽倏如流星散文章通性命所保
詎乃淺把酒重殷勤良時去不返春風遲我行車
輪為不轉

李上浮洋中兄弟以詩贈別途中却寄

雪霽行已遶春風送遠道問誰唱渭城情深見二
妙弱冠超羣英文采相照耀平生重與人于汝獨
傾倒抗迹在名山志欲窮其奧良玉累微瑕燕石
頗同笑結交道在敦殷勤匪為報

潯陽道中奉懷外舅怡亭

自我別湖上心為人事紛渺然一相憶深夜細論
文遠道帶殘雪空江含夕曛前邨歲鼓急淒斷不
堪聞

余歸自皖途次聞字雲先生下世即哭以詩

相識亦已晚分携又去年知君長恨處是我未歸
前風雨千秋重文章一代懸多慚吳季子挂劍獨
愴然

酬羅睡泉見寄

劍谷有耆儒深心營不朽白雲隨之遊一巢相與

守

威于野先生構字雲巢與諸生講論其中睡泉其高弟也

當其在龍津引我

為小友性命寄斯文歡歎常握手相識恨已遲相
聚苦不久寂寞此人徂孤懷欲誰剖羅子巢中傑

名山力能受訪我空自歸貽詩見情厚感舊有餘
哀不覺豁襟抱淵源苟不忘與君永相保

寄贈睡泉

當春蘭氣發容華自幽獨委跡在空山遠近散餘
馥美人期不來羞與羣芳逐何處結相思苔岑同
所欲

過龍津感舊有作

徘徊龍津道風日淒以悲死生發長喟賓主更共

之今我尚能來故人空舊廬一載如幻夢百年安
可知

曉發九江有感

輕風昨夜送江船曉逐江邗入遠天沙嶼草深牛
帶露菱塘水淺雁啼烟勞生回首半征路別恨驚
心非少年誰說廬峰遮遠目夢中身在碧溪邊

哭椒石

五陵裘馬集馮川把臂吟壇並少年不達如君還

獨天寒窻空檢白雲篇

苦吟杜老生年瘦拚醉劉伶死骨香我最關心風
雨夜何人連袂擲笙簧

弟我還能弟我弟我無兄事事如兄平生珍重千
金淚一洒城南為友聲

親知零落恨難消又憶吟香夜寂寥身世不堪腸
屢斷看余元鬢漸蕭蕭

羅陶先下第客死濟寧于其櫬歸挽之以詩

儒冠無適意一躍還再僵文采不耀世乃復罹其
殃秋風吹素旄颯颯馮川涼哀歌動地來行路增
感傷嗟我懷情故歸棹日相望初聞未忍信已自
摧中腸

人無金石固亦各戀其家君今在逆旅悵望天一
涯濟水恨無聲南池日已斜叩首呼太白倚樓空
咨嗟先人自有兆遊魂亦有那歸來及秋早他鄉
奈爾何

金錢花一名子午花

炎歊滿天宇百草愁不花美此金錢種庭院生光
華午風一已動瞥見舒明霞歡賞猶未厭繞砌紛
欵斜吳歌發夜半四座空嘆嗟信立品斯貴價重
名豈誇不知衆香國誰居第一家

題鄒自偕小照

小院風光寄此生蕉陰桐影有餘清捲簾暮待雲
邊鶴倚檻朝聽柳上鶯

騫蹄深翠懷人意魚出清泉見道時何事平生如
許瘦杜陵應為苦吟詩

半榻琴書繞白雲科頭兀坐送斜曛旁人誤識談
天衍如此風流自不羣

河鯉登龍門

河津龍未躍鞏穴鯉初登變化心長在飛揚勢可
憑軒鬢過萬仞跋浪沂千層時與風雲會天教雨
露興見田應天矯入海更騰凌逸氣超王鮪雄圖

駕大鵬千年何用釣一角自居陵定識神靈物從
茲價倍增

曉臆詩續

奉新徐曰明東啟

守風馬當山

水互山環路杳茫
扁舟到處即為鄉
雙姑窈窕空回首
坐看煙嵐出馬當

孤峰雄跨大江隈
日日征帆破浪來
却怪秋風滕閣上
山靈偏愛子安才

曉發書懷

野店寒雞寂征輪逐暗塵前途數點火同是異鄉
人造物役羣動勞生悲此身惟應免饑渴聊用慰
雙親

漫興

一片浮光白依稀近水邨行行不可見惟有碧天
痕野濶遙山盡煙寒落木屯殘年無限感客路又
黃昏

即景

衰柳帶長隄蒼茫望不迷村邊皆牧馬屋上有鳴
鷄樹遠依天盡山平與地齊故鄉千里思回首暮
雲低

早行有感寄懷同年蔣心餘太史

天涯寒月照沅澌旅恨撩人正此時萬里飛鴻向
春急五更征馬度山遲風塵久謝高人夢身世空
多往事悲怪得清容老居士歸來江上好吟詩

春夜偕羅臺山集楊默堂給諫宅各紀以詩

明倫彙編
二
給諫復于清明日折柬相邀不果往仍用前
韻奉答

清興聯翩發長城五字詩情隨春色遠意與白雲
遲節物偏無賴關山故有歧夜深愁寂處應愧古
人期

都門諸公于法源寺看海棠楊默堂有詩余
未及往輒次其韻

芳春瀲灩花枝紅花開南陌復城東翩翩綵騎恣

遊冶蜂鬚蝶翅隨香風羈人憔悴卧一室春光九
十那拋得祇將桃李思故園豈有煙花賞京國側
聞古寺羣芳鮮紅雲片片尤暄妍老榦推歲靡歲
月春風着意還雕鏤此花瀟洒絕塵狀會稽佳種
應不讓幾人紆組探春來意氣相看各豪蕩天衢
浩浩閑且夷遊蹤到處窮神奇飄如海上陟蓬島
滿眼照耀瓊林枝瓊枝却向紅塵出神仙本是烟
霄質倚闌聽徹晚鐘聲對此微茫送西日怪余無

事長閉門尋芳遠近意空存
眼饒心妬不可說香霧重重勞夢魂

集同年曹容圃太史棗南書屋即呈容圃兼
東諸同年二首

棗南開斗室清蔭欲過墻
花塢餘春色畫函發古香
官閒詩滿壁晝靜燕棲梁
促膝成佳會天涯興自長

乖違近亦遠小集慰幽期
醉醒看杯酒升沉對局

綦故人情若此羈客意偏宜
日暮車塵散還應悵路岐

乙酉余之任雙流彭大司馬以詩寵行依韻
奉答

天衢曾共二難遊十載遙情想太邱
愛士門高懸藻鑑寄虛軒靜見風流
元亭問字劉棻在蜀道成吟李白愁
此日臨岐應記取西山雨色半勾留

謁商賢祠

商祠獨傷 孔墻陰猶是當年北學心經受韋編

薪火在碑橫牧馬夕陽沉相傳墓在牧馬山名賢芳躅隨

流水下吏孤衷寄素琴此日登堂一洄溯春風吹

徹碧林深

丙戌春試士以鑿壁偷光為題作此示之

介節吾儒重偏分客舍光斜輝來一隙細讀得千

行蓬室生虛白華箋辨硬黃祥同然杖火巧奪聚

螢囊總忌心彌苦攤書夜正長他年還抗疏不負

此芸香

伯兄所著詩鈔問世已久此卷乃其謁選 京師
及官雙流所刪存者格益老語益工於三唐作者
不登堂而躋哉不止也余與伯兄稱詩里中風雨
連榻相切磨者十數年雖自分禱昧亦嘗從諸君
子後分韻鬪工以求髣髴乎古濶違兩載踈惰成
性又倉皇入蜀間有謳謠猶未離乎故我讀伯兄
詩不其慙然愧乎抑蜀自漢文翁而後代有循良
而伯兄適宰斯土景慕前徽方殷殷求治而未有

已則豈徒以詩見哉乾隆三十一年丙戌秋同懷
弟曰都謹書

余少時與諸弟兄聯吟家塾伯兄曉窗已推職志
而所為詩最儉厥後伯兄壯遊天下所遇佳山勝
水憑眺吁噓又得交海內名人文酒之會無虛日
而詩亦遂富矣歲辛巳伯兄彙其詩嚴加繩削得
如干首授梓用質當代意可謂勤也迄今四閱載
矣將謁選都門取近詩釐定續梓復于前刻中稍
自增刪合為一集噫伯兄之于詩攻苦垂二十年
故其所得如此後此其又可量耶若夫詩之淺深

功候具眼者自能辨之余固未易以窺也甲申孟
冬月同懷弟曰都謹書于西爽草堂



